

ازجال

سید المنیر سیدی

بالاسماعیلیہ

الجزء الأول

الفن ف دیوانک جیتہ من بحر کیر
نظمک و دررک منشورہ : بالفن خیر
وعظ . وحکم . کل کلامک میں زیک میں
تعیس یا (سید) لآخوانک . خدام للدين
حسن یومی - زجال اجتماعى

الطبعة الأولى سنة ۱۳۵۱ هـ

(حقوق الطبع محفوظة للمؤلف)

بمطبعة البعث في الكويت
بتأليف السيد المنير سیدی

(صورة المؤلف)



سید محمد حسن الحندی

الْإِهْدَاءُ

إلى أستاذي الماضي حسن أفندي البنا

أهديك يا أستاذي الغيور * يا سرب أرواحنا يا غالي
بكل حب أو كل سرور * أول ديوان من أزجالي

سيد الهندي

المقدمة

بِسْمِ اللَّهِ الرَّحْمَنِ الرَّحِيمِ

الحمد لله والصلاة والسلام على سيدنا محمد أفضل المرسلين *
وعلى آله وصحبه ومن قام بدعوته إلى يوم الدين *
﴿ أما بعد ﴾ فقد ترونا أول مختارات الشاب المثقف [سيد
افندى الهندى] فى قالب الزجل وإنها لبا كورة طيبة إن شاء الله *
وأشد ما يعجبني فى هذا الملاك الوديع شدة تمسكه بدين الله
الحنيف . وأنها لظاهرة نادرة فى شباب اليوم المثقفين *
فقد نرى الشباب وقد المهتم زينة الحياة الدنيا بهرجها الزائف
وزخرفها الممتوت فركبت رأسهم المعاصى وتمادوا فى ضلالم الرذول
أما هذه الزهرة المزهرة الياقة فقد نمت فى حديقة خصبة
سرعان ما تورق عودها فأنبئت أطيب ورود فاح شذاها وكانت
فتة للناظرين *
وإن شكرت أدن إنما أشكر الفارس لهذه الزهور المتولى

حماتها حتى ازدهرت ذلك هو الفاضل الربى الكبير الأستاذ [حسن
 احمد البنا] فقد كان غضنفرًا فذًا . من حماة الدين . هاله أن يرى
 الشباب وقد انغمست في الشهوات فنادى بدين الله وشرائع الاسلام .
 وأنشأ جمعية إسلامية كبرى سماها (جمعية الاخوان المسلمين) كانت
 لها اليد الطولى في تثقيف نفر غير قليل من شباب البلد فخلعوا
 أسمال الطيش واتبعوا فضيلته وتحلوا بخصاله فكان لهم نعم المرشد
 الكبير *

وها قد برى القارىء نغاث شبل صغير من أشبال الأستاذ كلها
 آيات بينات تنساب من قلب ملاء نور الحق وكأنها تنساب من
 هدير طاهر الأديم - فبارك الله في شباب قد أفلح - وبارك الله
 في قوم مصلحين ؟

حسن على يومى

يُؤَا صَفْوَفِكُمْ

الْحَمْدُ لِلَّهِ مُوَلَانَا :	خَالِقِ الْاَكْوَانِ
وَسَفَّلَهَا بِخَلْقِ يَامِهِ	وَبَانَسِ وَجَانِ
أَرْبَعُ كُتُبٍ جَاءُوا مِنْهُ	لَا رُبَّ أَدْيَانِ
زَبُورٍ . وَأَنْجِيلٍ وَالتَّوْرَةِ	وَلَنَا الْقُرْآنِ
بَيْنَ لَنَا فِيهِ الْوَاجِبِ	وَاحِنَا تَرْكَنَاهُ :
وَالدُّنْيَا غَرَّتْنَا زِينَتَهَا	يَا حَفِيزُ مَا اللَّهُ
وَرَانَا أُخْرَةَ فَعَلَ الْخَيْرِ	وَالشَّرِّ كَمَا نَفْسُ
وَقَالَ بِحِكْمَةٍ وَأَرَادَةَ	(قَتَلَ الْإِنْسَانَ)
مَا أَكْفَرَهُ بِنِعْمَةِ رَبِّهِ	عِبَادَ الْمَالِ :
يَسْرِقُ وَيَقْتُلُ لِيَنَالَهُ	وَضَلَالُ فِضَالِ
وَيَصْرِفُهُ يَأْمِيَّتَ حَسْرِهِ	فَخَمَرُ وَنِسْوَانِ

(٧)

وأخرته زى صاحبهم	فالسجن مهان
دى الوقت أصبح أكثرنا	ما يخافش الله
ولا يفتكرش فى يوم ببقى	قدام مولاه
ويقول له زى ما أمرتك	معملتش ليه :
لك الجحيم ياللى عصتني	يبقى يقول إيه؟؟
من الكسوف يسقط الحجة :	من وشه حقيق
أعضاء تكون شاهده ضده	عند التحقيق
النار تزغرد قدامه :	خدامها غلاظ
الكل من عاصى المولى	تلقاه متغاظ
يقول له يارب ارحمني	اعفى يا رحمان
يقول له عدلى لازم منه	دا حساب وميزان
عدلى يرد الشيء للأصل	من غير محاباه
المظلومين فرحوا وقالوا	شكراً لله :

يا مسلمين كلمه صغيره	(لواصفوكم)
خدوها من زجال لاخوان	دانا محسوبكم:
خايف تباغتتنا الأعداء	واحننا نايمين
شوفوا الملاهى مليانه	جوامع فاضيين
أوقات فرغنا بنقضها	فى المعصيات
ولا نفتكرش اللى خلقنا	غير ف الزفات
يا خلق صارت أعمالنا	زى الكفار
الى وعدم مولانا	بدخول النار
ح نبقى ننكر أعمالنا	دا سميع وعالم
مجب نداوم ع الطاعه	يا شعب كريم:



❦ الدين يستغيث ❦

أخوكوا مره دخل ف كفيه^(١) نواحي مكتب (وليم سون)^(٢)
 جرسونه جه قال تشرب إيه عن طايي فهمت الجرسون
 وقعدت من ضمن القاعدين ع القهوه بيقولم حكايات
 وجه خطيب غيور ع الدين خطب وقال (الدين قدمات)
 بصيت لهذا الشاب لقيت مسكين عينيه بتخر دموع
 صعب على الدين وبكيت من كثنين كانوا ف الموضوع
 على مسلمين ضعفوا الاسلام وصبحوا لاشرع مخالفين :
 هات القيامة يارب قوام أحسن عبادك مش خايفين
 أصبحنا تقتل بعض ياناس جل الفلوس جرى ايه مالد

(١) كفيه - بورصة

(٢) وليم سون - مقاول بالاسماعيلية

الدين بتاعنا يا شيخ عباس يستغيث من أعمالنا

فقطاعتنا زادت يا اهل الجليل ف القتل كترت حوادثنا

غرضنا تقتل ألف قتيل لما الشيطان دا يحدثنا

تلمى اسمع ف الجرائين على جناياتنا اللى بتحصل

ف برنا عن ناس مجازين م المجرمين اللى بتقتل

الشخص منا بيقتل ابوه : عشان ما يورث أمواله

ويشوف مصيبه كان لاخوه وبعدهم يحظى آماله

وإن كان له أم يا ما تنهان من بعد ما يموت الوالد

تشوف عذاب أشكال والوان من ابنها الولد الفاسد

وإن قالت له يا ابني حرام الأم مين بيهدلها :

بظهر لها فعل الاجرام يهجم عليها ويقتلها

وإن انطبط وخذوه سجنوة فلوسه تظهر للمحاماه

بص تلقاهم ضمنوه : ويبقى يوم الجلسة معاه

ألف شاهد يشهد زور	وميث يمين يحلف باطل
ويطلع المجرم مسرور	كأن مش هو القاتل
معظمنا يحبوا الأموال	من جههم ضلوا وكفروا
خلوا الزمن أصبح بطال	والخسنيين منه اندثروا
إلى حداه أنفين فدان	وم النقود حايز ملايين
ليه بالزبا يعطى الغلبان	مدام يشوفه فقير مسكين
يمكن يكون عايل أيتام	والده مال واحد ربه
لكن المرابى يقولش حرام	عايز يزود ف مكاسبه
ما يخافش أبدأ من ربه :	ويعرف أن الدنيا زوال
دا القرش بيجمد قلبه	ومن كده عايشين ف ضلال
معظمنا صبحوا يا باس ضالين	يفكروا ف القرش لا غير
وعن عبادة الله غافلين	وزاد يقول إن الدنيا بخير
يامسلمين رح تنسى الله	من كتر حبنا ف الأموال

صبح زماننا زمن محابه . فيه الفقير ماينولش آمال

إن الفقير راح للميسور وقال له عايز خمسة جنيه
مديه بمعاد وان كان معذور يقيم قوامك حجز عليه

وعفش بيته قوام ينباع للمشتري بائحث أمان
والمشتري تلاقيه طماع عاوز يكون هو الكسبان

أول مايسمع بيع على طول يروح يفصل فيه طء مان
تلقاه اما يفصل شيء يقول عليه ماينفعش وخسران

ويمكن الشيء يبقى ثمين ويفقدوه الرايين *
بشمن زهيد للمشتريين ويخسره صاحبه المسكين

شوفوا الأوربي يامصريين أول مايجي بلادنا فقير
يلتقى من جنسه مساعدين من المساعده يعيش بنكير

يادوب يوروا عليه سنتين إلا وحده ثروة وأطيان
ويبوت وباعد عنه الدين ويبقى من ضمن الأعيان

حى ايد على ايد بتساعد وايد لوحدها ماتسقتش

واحنا الفايطجى اما يواعد بعد المعاد يحجزع العفش

الدين بتعنا مايومرتاش ناخذ من المحتاج ملیم :

أكل الربا دا ماينفعتاش يوم القيامة ياخاق عظیم

دا يوم يشيب فيه الأبطال يبقى المرابي فيه ياويلاه

ماينفعوش لابنين ولا ملل (والأمر يومئذ لله)

﴿ بدعة الزار ﴾

نسواننا بالبدع اشتهروا ليه يابن الدار

وحق ضحكوا على دقوننا بحكاية الزار

تلقى المره تقول للراجل جسمى تقلالن

وعايزه ايت منديلى عند ام زيدان

يقول لها ازاي يامراتى أترك دايبات

ف دار فلانه المشهوره بشيخة الكوديات

الزاردا بدعه تقول أبداً شوف ام خليل
اشمئني دي امبارح ودي عندها منديل

وشوف كان ام محمد واست ام أمين
وناس كتير ودوا أترهم عند ام يسين

وانا موديش منديلي ليه يعني حرام
وكبتين منه ومنها يتخنفوا قوام

يبقوا ف نكد مع بعضهم ليل ويا نهار
ومن تقارهم وزعيةهم يتلم الجار

حريم تقول له بلا فضيحة وبلا استبداد
ياشيخ مراتك مشي لها طلب الأسياد

ويبلغوك ف صاحبنا لغاية مايلين
وان لان عدوك يركبها فيه وتسعين

عفريت وتأخذ منديلها	للكوديه عشان
تصحها لها وتوضح ••	لها عالى بيان
ان كان عليها شيخ قبطى	والا يونانى
فأترها يظهر ودى بدعة	ايه ياخوانى
ان كان بقى مسلم يطلب	خلخال وحجاب
وديك وحفظه مكتوبه	باسم الوهاب
وخروف سمين ويكون أبيض	ولاهش قرون
وطرحه بيضه وجلابه	توت عنخ امون
وان كان جريمجى أو قبطى	يلزمها تجيب
مقص آل وصباغ كافر	للمسيو صليب
وترجع الست لجوزها	وتقول له قوام
هات اللزوم احسن مارقد	فى الفرش وانام
واموت ياسيدى وتعدمنى	ما تعرض نيش

دانا مراتك وحبيبتك	ما ترعلنيش
يصعب عليه من لهجتها	ويروح ع السوق
يجيب لها كل حاجتها :	علشان ماتروق
طالباتها تحضر وقوامك	ميت شمعه تقيد
على كرسى فوق منه (الحنه)	ودا بدع أكيد
الناس تملى تقول يابني	إن العفريت
بيخاف من الولعه ويهرب	من عود كبريت
وازاى بيحضر بالذمة	على كثر النور
واحنا كان بنصدق به	ونشم بنحور
اشمعي بس المصرية	يركها الجان
أما المدام لافرنجيه	بتعيش ف أمان
لادق تعرف ولا كوديه	تنشد ألحان
يوسف مشخلم ومدلع	على كل ميدان

حفیش یا معمری کلام من ده	عند الأروام
غیرش احنا بس بنتشعلق	بالبدع قوام
فی بدعة الزار بفیعزق	جنیهات ومفیش
أبدأ فوايد شفناها	من دی التهویش
ماشفنا م الزار ده إلا	كفر النسوان
تدبح بهیم وتاخذ دمه	تعمله صلبان
على صدرها بدعه تكفر	فینا اشتهرت
الحرمة تكفر ولا تشعر	من إيه كفرت
والكفر شوف ازای ظاهر	زی المصایح
باين بأن المر يوحه .	كفرت بصحيح
والكفر ذنب عظیم جداً	ملوش الا النار
وذنبهم داف رقتنا .	يا الله يا ستار

أكم بدع حلت بينا	مكروهه وعار
بدع كثير قوى ياأخينا	مش بس الزار
الزاردا (تشنج) عصبي	ياسيد العارفين
مايلزموش لبس وصيغه	دا كلام مماحين
كلام ماينفعش بيصله	ولا قشرة توم
مادمنا به مش ح نحصل	ولا ألغن قوم
أما ان تر كناه نتقدم	وفوق ع الغير
نبقى أحرار ف بلادنا	وآلي بخير

﴿ أزمة سنة ١٩٣١ م سنة ١٣٥١ هـ ﴾

الازمه يوم عن يوم بتزيد والحال صبح كله معسر
 طول السنه واحناف تنكيد ياخاق والله حاجه تحسر
 كفرنا لازم بالنعمة

الازمه في الأرطان عمت فقير غنى منها ييشكى
قال الغني الأموال خست أما الفقير حسره ييبكى

أنا حتى بعث جوز الحزمه

الوقت أصبح يقدرونا : من بعد ما نكون قدرينه
حق النحاس اللى ف دارنا عند المبيض رهنينه
مع أن له عندنا لازمه

العسر طال والله علينا والدمعه بتفر من العين
سنه تمام طالعه عنينا وادى احناح نطبق سنتين
طال المطال واحنا ف تقمه

بين الضلوع ساكنه الحسره والقلب فيه النار قايدة
واللى حده مسكين (أسره) شبع مرار ولا فيش فايدة
ياخلق من صرف الهمة

الحجز داير ع التجار والحاله سوءها مطهقم
فى كل يوم خمسين انذار دايره الحكومه تفرقم

وتقول لهم خطوا (الفرمه^(١))

وأبو اراهيم جازنا الفلاح م الفتر طلق ستوته
يدشكى م التور النطاح ويقول داطفحني الكوته
وخلي عيني بقت وارمه

وأبو العيال بيقول عايز أجيب ملابس لولادي
(الوقت) قال له مش حايز تجيب لهم في الازمه دى
دى الناس بتبكي وف غمه

بقى الوطن كله ف تأخير لما ظلمنا ف بعضينا .
والروح بقت عند المناخير والعيشه أمر من الكينا
أكثرنا مش لاقى اللقمه

الوفر دار ف الشغاله أشغال مفيش ولا تقديه
يتسنا من سوق الحاله إيه الطريقه العمليه
ياناس قولولى بالذمه

خلاص بقينا بنوحوح والفقر كاسر لقلوبنا °°
 ماشفنا يوم حلو يفرح من يوم ماعشش ف جيو بنا
 مرر عيشتنا ابن الصرمه

أرجع وأقول ان دا كله غضب علينا من المولى
 لو كنا دياً نخلص له يعمننا السعد علولى
 اخلاصنا عيات بالحه

كانوا ناس زمان لله تلى يتدللوا لو تنعسر
 وقوام بأمر المتجلى تروق وتحلى وتيسر
 ويبقوا فى خيرات عمه

مش زينا غافلين عنه بنشتمكى اليأس لغيره
 والرحمه والغفران منه والدنيا مليانه بخيره
 خيراته فى الأكوان جه

فك العسير وشيل الازمه من البلاد المصرية
 واصاح يارب حال الأمه وشيع الناس تقديه
 وامنن علينا بالرحمه

﴿ فضل جمعية الاخوان المسلمين ﴾

(نظمت ما يأتي عن لسان شبان يقرؤن بفضل

جمعية الاخوان المسلمين عليهم)

الحمد لله مولانا ملاك الملوك الالى نهانا

عن المعاصي وهدانا

نطريق النور

أمر عباده بتوحيده الجن والانس عبيده

والعبد لما يطيع سيده

دا يكون مشكور

واحنأ يا عالم قصرنا تفصير شديد فيما أمرنا

رب البريه وأكترنا

أصبح يعصيه

ياما خلايق ملهيه عن العبادہ و تقضيه :

أوقات فراغها في معصيه

شيء لم يرضيه

قبل اجتماع دى الجميه بمدينة الاسماعيليه :

كان كل مشيننا معصيه

شبان فاسدين

من غير مؤاخذه فلاتيه وحشاشين وسكريه

و حب عيشه و نبوه

نسانا الدين

كان كل مكسبنا يومآتى نزميه في بار (الكلفانى)

طفاشى . عزت . سكراتى

ياما كسبوا فلوس

(٢٤)

وكل يوم كان والثاني ناكل محاضر ياخواني

ياما كلنا في القسم بواني °°

من إيد (محروس^(١))

شبان وعاشين ف ملاهى الماوى بارات ومقاهى

م الخره تتأنى دواهى

ومن المريمات

حب الحریم نایبه جسیمه :: والله الحریم خاینه لئیمه

شفنا الخیانه فی السما

وكتب روایات

القصد كانت أعمالنا فظیعه رایحه مدخلنا

جوه النیران ولا علی بالننا

کنا ضالین

(١) محروس - شاولیش ییولیس الاسماعیلیة وكان

.....

غير الخمر وغير التحشيش والبصيصه والحب مفيش

وفعلنا فعل مايرضيش

رب العالمين

ولما حب اللى بارينا رب العباد أن يهديننا

لنوره جاءت تناديننا

دى الجمعيه

دخلنا فيها اتعلمنا بعد الضلال أحكام ديننا

وتوبنا لله وندمنا

ع المعصيه

والآن غرضنا ومسعانا مع رئيسنا اللى هدانا

نذل ع الخير ويانا

شبان دايرين

فى طريق فساد زى مادورنا ومسخره قبل دخولنا

(٢٦)

جمعية الاخوان كناه

معهم سايرين

يأهل الكمال كل مرامنا تؤدى دعوة اسلامنا

على طاعة الرب عزمنا

والعزم ظهور

لنا أمل نحى السنه أدى انتوا شايفين ياخواننا

البدع زايده ف زماننا

عن كل عبور

حریم رجال فيه مبتدعه يامسلمين ومن البدعه

سنة نبينا بقت ضايحه

والدين ف آلام

عايزين يا عالم نحبيها فى عصرنا ونزكيها .

واجب علينا نعلبيها

شرط الاسلام

غرضنا نوری لناس ضالہ طریق الالہ لجل علی اللہ

قلوبہا تحشع للہ ولی

وینالہما رضاه

وناس أسافل ضلالیہ قالوا علینا بہائیہ

ظالمتنا واللہ الناس دہ

منہم اللہ

والاحناف سبیل اللہ مجاہدین وکاف السکون زاہدین

وقصدنا تطہیر الدین

من دی الأرجاس

الذین بقاعنا بمجوارحنا نظہرہ لو أرواحنا

تروح فداہ شیء یفرحنا

قبیل ما ینداس

وحتی من ضمن جہادنا عملنا جامع ف بلدنا

(٢٨)

ومدرسه والى ساعدنا .°.

ع الفعل إياه

ناس مخلصه ع الخير ناويه فرحوا بينيان الزاومه

من شدة الايمان غاويه

تعمل لله

بما خلايق اتقياً تعمل لدينها بحفيه

بدل الجنيه تصرف فيه

ف طاعة للمنان

يا بخت من يصرف ماله فى فعل خير دا يبقى له

نعم الايمان وهنيه له

برضا الرحمن

ما ينفع الانسان إلا ما قدمه من فضل الله

أما البخيل لاحول الله

ف النار يندس

يا خازن الأموال ما تفوق ذا الموت محايذك يا مخلوق

وانت بجمع المال مفروق

على إيه كده بس

﴿ تخويف المصاه ﴾

دائمًا تقضى كل أوقات فراغك في الملاهى ليه ماتعبدش الاله

ينوبك إيه خلاف قلبه دماغك لما تبخل ع اللى خلقك بالصلاه

مت هواءك وطاوعت الشيطان والاعمى زين لك السكه الرذيله

نحيط بكره راسك فالحيطان والندم يكثر على ترك الفضيله

سوء فمالك بلغ الشيطان منه

كاسات الخمر قاعد ما انت سائل فاكر ان الرب غايب م الوجود

دا انت ضيف ف الدنيا وف يوم منها راحل

(عابد) فاني ليه يكون قلبك جحود

ربنا شايف عمايلك فى سماه .

ليه بتمعى الله وما تخافشى العذاب تدحى النسوان وتسكرف الباراد
والعلم ف الخاندله حساب ويا شخصك ياللى غاوى المنكراد

وف معاصى الربح تقضى الحية

شبان الايام دى ياهيت ألف حسره فعلمهم مذموم ومسماهم ضلال
تلقى منهم بالكثير فى اليه عشره مخادين لله ويحبوا الحلال
لما طاعوا المولى زادهم من هداه

واللى ينفق لك (ياسيد) ميت مراره يبقى لسه الشاب ابوه يصرف عليه
وبسلامته لما يدخل جوه حاره المعازله يبقى عامل نفسه بيا

م العياقه خاطت (البودره) ف قفاه

روح جميلك ياللى ما تخافشى الرقيب يوم عظيم مقداره زى الف عام
عاصى ربه يبقى له موقف صعب بين أيادى المولى فى يوم الزحام
يوم ترحب نار جهنم بالعصاه

فوق دماغك ليه تشيل أوزار كثير

والرقيب ويا العتيد را كبين كنافك

يا ابن آدم ليه يكون قلبك ضرير وانت عند الله مكرم عن خلافتك

اعمى يوم الحشر رح يبقى بعاه

واللى ما غروش بمولاه الغرور والشيطان ما امكنوش يضحك عليه

يبقى يوم الفصل ماشى وحوله نور نور إيمانه شوف بيسمى بين يديه

والرسول ف الجنة يتقابل معاه

يا هنا اللى ف الحياة الدنيا كان قلبه خالص لى خلقه ده ينور

بالرضا ويكون له ف الجنة مكان للتنعم وبرسول الله يلوز

وف جنان الخلد يوجد مشتهاه

جنة الفردوس مأوى المؤمنين اللى طاعوا الله وعملوا الصالحات

امتى أشوف شباننا بيقوا مخلصين يصرفوا قوة شبابهم ف الطاعات

أرجو رب العرش يشملهم رضاه

﴿ ناس الزمان داو أهل زمان ﴾

من العدم أنشا الأكوان	: الحمد لله المنان
خلق من الطين الانسان :	بقدرته وكبر عظمته
: وفضله بالعقل كان	وصوره ف أحسن صوره
ما خلا هوش ف الدنيا حيوان	خلق له عقل يميز بيه
عشان يبص بها ف ملكه :	كان جعل له ف وشه عينين
رفعها دون حد يشاركه :	يشوف (سما) من غير عمدان
ولا جبل متدلل ماسكه	وقر مهش مسنود على شئ
وشمس بتخليه دفيان	ويشوف نجوم منظرها جميل
والحق ظاهر فيها تمام	خلى له كل الكون مريات
وهي سايره بكل نظام	الدنيا من يوم ما اتخلقت
ولا النهار بيكون ف ظلام	لا الشمس يوم طلعت بالليل
والحق مش عاوز برهان	الصنعه تنبي على الصانم

ومن سماه تنزل فيه وتختلط بذبات الارض
 يطلع ثمر اشكال والوان رزق العباد شيء لم ينفض
 خلق سمك . وطيور . ودواب عشان عباده مايكلوش بعض
 ويستحيل يحصل اهل ! في خلق مولانا الرحمن

(نعم) اله العرش كثير ماخذ يقدر يحسبها :
 عطاها لله الم علشان يؤدوا واجب معطيها
 ويشكروا فضله عليهم وطاعته مايهونوا فيها
 أنزل لمعرفة الناس بيه ثلاث (كتب) قبل القرآن

وابلع كتاب هو الرابع : نزل على قلب (المختار)
 بلاغته خلت كل فصيح : عدم فصاحته وبقى مختار
 (كفار قریش) قالوا وغيرهم على النبي واحد سحار
 والبعض اسلم على يده : وصاروا من اهل الايمان

صفت قلوبهم للخلاق واخلدوا له ف أعمالهم :

نور الحقيقة خلاهم ضحوا بحياتهم وبما لهم
بعد الهوان في سبيل الله النصر وعد الله جالهم
من ضمن أنصار الدعوه عمر . وأبو بكر . وعثمان

بعد النبي الساف الساف بأشد عزم الدين نشره
والحق من دون الباطل بعالي همهم نصره
وحبهم كان ف الزايد لبعض والاخلاص ظهوره
ف الطاعه كل اجتماعهم والبر والخير والاحسان

وان حد يوم قلبه اتغير من يم واحد يصارحه
بكل شيء منه بداله يروح قوام دكه مصالحه
ما ينجاهوش زعلان منه والثاني يصفح ويسامحه
يعود صفا قلوبهم حالاً ويفضلو أحباب اخوان

وان حد كان بده يعاهد واحد وواثق فيه هو
ياخذو العهد مع بعضهم على الصداقه والخواه :

ويطلعه على أسرارهِ : التي ف ضمهيره من جوه
يلقاه الأمين التي يحافظ ع السر ديمًا بالكتمان
والابن كان طابع لآبوه مش ناسي فضل التربيهِ
لأنه رباه وهو صغير بكل عطف وحنينه
صرف عليه دم قلبيه عشان مايطامش بليه
لكن كبير الفرق ما بين . ناس الزمان دا وأهل زمان
في عصرنا الابن اما يكون كبر خلاص والذي منه
يقوم يسى على أبوه أدبه وبده أبوه يصبح ابنه
وينسى حق التربيهِ والفضل يترد لجبنه
حسك تقول إن دا يكسب مدام غضب والده المنصان
وان خدت لك واحد صاحب واديته سر ك ع الماشى
وعاهدته ع المصحف يمكن ف ساعه برضه يروح فاشى
وينسى ايده الى بسطها وقت الحين رلا شلهاشى

ويبقى مخلص قدامك	ومن وراءك سوسه وتعبان
لو شخص ذات مره اتاثر	من حد ما يجلبوش سيره
وينحلي قلبه متعكر :	من جهته اكبر تعكيره
والخقد فيه عمال يولد	والوش فيه التكشيره :
وايش عرف الثاني بزعله	مدام ما قالوش انا زعلان
من قلقة التقوى العالم	كلوا الربا والزور شهدوه
ع الحق داسوا برجلهم	والباطل ان ميل سندوه
الناس دى بس انا مش عارف	م الدنيا ايه اللى ياخدوه
بالذمه طالت غفلتهم	وقلبهم أصبح مرضان
كنوا الخائيق والله زمان	ينخافو بطش اللى خلقهم
واما الان طول بيهم	طفوا وفسدت اخلاقهم
باين عليهم مش خافين	انار جهنم تحرقهم
ضعف ايمانهم يا خساره	تمادوا خالص ف العديان

يا هل ترى ضلينا يا ناس والاه الشيطان استولانا
ولأمتى نفضل يا خلائق عاصيين أوامر مولانا
يا رب لطفك بعبيدك ارحمنا واتولى هداانا :
اجعلنا من أهل الطاعة واعصمنا من فعل الشيطان

{ التوبة الكاذبة }

في نص شعبان يتوبوا ناس هلس كثير
ويصوموا رمضان وف آخر رمضان ما يطير
تبص تلقاهم حالا رجعوا الخامير
كانت مالادين قيمه عند السكير
وان كان بعيد عنكم واحد سكرى وحشاش
غفلان وعاصى طول عمره ما بيركه هاش
دكر ويفضل ف ملاهي طول الايام

وقليل كان لما يتوب له	شهرين ف العام
في رمضان يشعل نفسه	بالصلا والصوم
وقبل رمضان ما يؤلى	بتناشر يوم
تلقاه رجع للمعصيه	ثاني زى ما كان
بايه د' تنفع صلواته	وصيام رمضان
ومن كده تلقي ياخويه	ح يضيع الدين
وزاد كان سبنا بناتنا	عملوا الفساتين
ميت ألف موده ولار كبه	تلقى الفستان
من غير كهم وسفور زايد	محن الذنوان
حلقوا الضفاير يا مصيبتى	على قص الشعر
الست ليه عند مزين	تحلق بالشهر
أوربا بتخف سفورها	واحنا زايدين
ف البدع وأعمالنا فظيعه	يا مصر يبن

المصري ليه يودى كريمة	مدرسة الروم
تترك ديانتها وتفعل	تحفظ علوم
أورو باويه وتعلم	والعلم كبير
على بال ماتكبر يلاقها	راغبه التنصير
وعايزه تبقى الأفرنكه	والا افرنسيه
المزميزيل (بكيمته) هانم	بزياده عليه
وف الزمان دا ناس يامه	يحبوا المال
وبالربا عايشين أمرا	ويحوزوا أموال
أنا مش بقول ع الأغنيا	أهل الأحسان
الله ييزهدوا ف الدنيا	ويدوا الفلبان
اكن كلامى لناس خلوا	اسلامنا ضعيف
ومغرورين ف زمن فانى	الطف يالطيب
طال الأمد صار معظمنا	بقاوب جاحدين

زى الحديد ام ييلينوا	أبدًا للدين
أعمالنا دى رايحه تضيع	منا الايمان
كفى ياناس خلونا نبقى	زى اهل زمان
نخاف من المولى وديما	نتفكر فيه
ميقتين انه خلقنا	وح نرجع ليه
ونفوق لديننا ونستوعظ	ونكون عارفين
بالله ونعرف ان احنا	لله راجعين
مفيش مفر ولا مهرب	رح نهرب فيه
يجب نطيع أمر بارينا	وبلاش نعصيه
ونحفظ الدين ونحلى	ايماننا شديد
ونكون ياناس امه تقيه	والتقوى تزيد
ف قلوبنا يا اخوان حتى	يرضى الرحمن
علينا بابتغا مرضاته	نحظى الغفران

والسنة لازم نحييها ونمحي البدعات
 ونلم على قد ما تقدر حبل الستات
 ونجيب بناتنا لعلمهم في مدارسنا
 ونترك التربية اللي رح توكسنا
 ونصوم رمضان ونصلي بقلوب خاشعين
 وقد إمكننا نزي ندى العايزين

﴿ الأسراء ﴾

ربنا أرسل (محمد) م العرب أركى رسول
 جاء بالدين القويم اللي مشهور بالأصول
 رحمه للناس أجمعين
 أدى مولانا الرسول الرسالة ع التمام
 زى ما كانت بتنزل وحى طبعاً أو منام
 لم ينم قلب الأمين

(٤٢)

صاروا قسمين القبائل يا هنا من كان مساعده
والى كان منهم معاكس ف الدارين يستلقى وعده

الى راح يشفع له مين

طلبوا منه المعجزات قال كبيرهم هوشوه
والنبي من حسن خلقه كان حلیم ع الى يسيؤه
أصبحوا به مؤمنين

أدهشهم معجزات ليلة الاسراف رجب
الى أسرى اذرب فيها بالنبي أزكى العرب
رمز دين المسلمين

أسرى رب العرش ليلا بالحبيب الى اصطفاه
ليلة الاسراء نبينا مين يا عالم نال علاه
جائه بالدعوه (الأمين)

الأمين (جبريل) نزل له م السما ومعاه (براق)
قام طامع وياه وصلى بالرسل والانبيا
رحبوا به المرسلين

(٤٣)

وعلا السبع الطباق والملايكة من وراء
حتى عرش ذوالجلال لما شافوا النور غشاه

وقفوا هم مسبحين

والأمين جبريل تخلى عن رسول الله وقال
دا الحبيب والمولى ربه شاهد (أحمد) نور جمال

ربنا الحق المبين

سيدنا موسى حين نزوله قابله في إحدى الطباق
قال له ياخير البريه ياختمام الأنبياء

أو امامهم مأمومين

قولاى ايه اللهى انت جيت به للخلايق م الاله
جاوب المختار وقال له كل يوم خمسين صلاه

ع الخلايق من روضين

قال له من غير أمر ارجع واسأله التخفيف شويه
قام رجع خير الانام جاء بالاوقات دهيه

خمسة بس ومبروكين

(٤٤)

صبح، ظهر، وعصر، مغرب والعشا الوقت الاخير
لما نديهم حقوقهم ؟ نلقى ثوابهم كبير
نكتب م المقبولين

ربنا بيهم نهانا عن جميع المنكرات
الى ما يرضاهن عملها لو نداوم ع الطاعات
نقى من اهل اليمين

إنما فيه ناس كثير خالفوا علام الغيوب
لما فعلوا المنكرات كسيوا الدنيا الذنوب
آء ياويل المذنبين

والمسييه الناس دى تعرف إن شرب الخمره منكر
وتلاقيها برضه دايماً : تغضب الرحمان وتسكر
منهم ضاع اليقين

منهم الى صحيح يتوبوا أشهر الحرام الثلاثه
وأما تخلص دى الشهور يتركوا العبادات بتاتاً
ع الفساد متعودين

بعد ما كانوا يمشوا زى سعداء الدارين
 يدوا للديان حقوقه والسمح ماليه الأيدين
 أصبحوا المذمومين

الى عاصيين الاله دائماً إيه روح ينزبرهم
 المعاصي ويستفيدوا إيه خلاف كثرة ذنوبهم
 فيه (كرام كتيين)

لجل أعمال ابن آدم كل واحد له كتاب
 يكتبوا عمله الملائكة فيه إلى يوم الحساب
 يوم يشيب فيه البغين

يبقى يا ويل اللى كانوا غفلانين فى الدنيا خالص
 عن حقوق الله وكان الشيطان بالطبع ها يص
 حق جامع عزرائين

الشيطان عمال يفضل فى العباد ملهوش مهمه
 بده كل الخلق تكثر أما ملعون ابن هرمة
 طب دا ديننا أقوى دين

(٤٦)

لما تملك بديننا ف الدارين نلقى السعادة
يرضى رب الكون علينا بالداومه ع العباد
الى بيها مأمورين

كل مسلم ف الوجود يبقى لخلق مطيع
يحظى بدخول الجنان ربنا يهدي الجميع
حتى يبقوا مخلعين

﴿ أول رمضان ﴾

هات رواج شهر الصوم	مفروض ع القوم
كل سنه صيام ثلاثين يوم	عدوا الأيام
ويمكن الصبح يا اخوان	أول رمضان
الى نزل فيه القرآن :	وآياته كرام
الله أمر فيه الانسان	يستعني جعان
طول النهار إلا العيان	معلش صيام

من كرمه قال بعد المغرب	زى ماتطلب
نفسك يا عبدى كل واشرب	نعم "لاكرا"
لكن نهانا عن المنكر	واخنا بننكر
وفعلنا فعلى يعكر :	دم الانسان
دى عين أخوك يا ماسافت	خفق ماخافت
من الاله ف سفين فانت	قايام روضان
بقيت أشوف لك ناس فآخرين	عملين صايمين
كانهم م الناس خافين	دا "الخوفم الله
وف الحقيقه دول صايمين	عن مجد الدين
وان راح لهم واحد مسكين	وطلب الله :
ما يدلوش قرش يجيب به	شىء يفطر به
والعبد رزقه على ربه :	اللى ما ينام
وشهر رمضان دا يمين	كل حنين
والشحاتين فيه تمحين :	تحينه تمام

شهر الكرم شهر الحسنات	ادى الشحات
احسان بدون مايقولك هات	زكي بقرشين
وان كان في بيتك مشمش تين	أو قمر الدين
والجار فقير محتاج ملين	بره بصحنين
مش تبقى تا كل ست اصناف	وقر وكفاف
وتسيب جيرانك تفطر حاف	ولازمها غموس
خلي ف قلبك حنيه	دى الاتقيا
ف الشهر دا بيوتها تكيه	أكل وملبوس
وبقيت اشوف من نسواننا	وكل جيراننا
طالب الدقيق ويا السمنه	دا عليه تدقيق
تقول جوزها انا عايزه فطير	انشا الله تطير
وتجيب لي طلبي بدون تاخير	ياتكون لي طليق
ان كان فقير حى روح بالزور	لواحد ميسور
يقول له هات احسن معذور	ف قليل من المال

ياخذ الفلوس زى المجنون	ويقول ممنون
وتنكب على قلبه ديون	ع الميه ريال
كل مرابى دون تلقاه :	ما يخافش الله
يوم القيامة تكون مأواه :	نار يدخلها :
لازم نعيش على قد الحال	يا ابو عبد العال
وربنا يصلح لاحوال	ويسد لها :
وبقيت اشوف شبان ماشيين	بقلوب قاسيين
ضالين وم التضليل ناسيين	اسم الرحمن
الشاب منهم ايل ونهار	من قهوه لبار
من أخوكم لسه صغار	وماشى سكران
تلقى الجدع يمشى مشقع :	وتوبه مرقع
وان كان سليم يبقى مبقع	والناس شايفاه
ديعاً مخالف أمر الله	وتابع لى هواه

مسم الخورح يهد قواه	والنار مأواه
وعندی کله مفهومه	لکی یا حکومه:
أمة محمد مظلومة	وعلیکی الحق
بتدی تصریح لأجانب	جایه مصایب
تضرنا شاب وشایب	وأساس للفسق
مش یکنی سایه حریم تزنی	برخص علنی
ضیعتی دیننا ولیه یعنی	یا حکومه حرام
فعل الفساد فی أمتنا:	هان کرامتنا
وراضیه لیه یا حکومتنا	دامش اسمہ کلام

﴿ آخر رمضان ﴾

ولی شهر الصوم لحاله	وانتهینام الصیام . . .
واستلم (شوال) بداله	دام بقا کو الکل عام
	یا أفاضل یا کرام . . .

الى صام الشهر والله	من رضاء الله بئاله
واللي كان فاطر لعله :	ربنا عالم بحاله
	فى السما جل جلاله
كل شهر صيام أشوف	ف المساجد خلق يامه
يبتقو زاحمين الصفوف	بالطرايش والعمامه
	وان رحل يا الله السلامه
إن يا حظ الشهر راح	معظم الى كات يصلى
تلتقيه ساب الصلاح	لما شهر الصوم يولى
	عاده عند الناس على
هو شهر الصوم دابسى	الى مفروض فيه الصلاه
أما باقى العام يامرسى	نبقى عاصيين الاله
	نجنب ما فيه رضاءه
يا خلاق إيه جرى لنا	لما نعصى أمر بارى
مش نخاف أحسن ضلالتنا	المين دا العمر جارى
	ربنا بأعمالنا دارى

معظم الشبان يا حشره الشيطان نجس نفوسهم
 في حشيش نسوان وخمره دائما راميين فلوسهم
 غير ذنوب بتشيلها روسهم

عنكوا يا شبان بلغنى فى العبادہ مہونین .
 قلتوا ليه نصلى يعنى واحنا لسه صغيرين :
 اللى ضامن عمره مين :

مين يضمن بالذمه عمره انه ح يعيش للمشيب
 دا التقى من سن صغره تلتقيه للدين حبيب
 آخرته زى الحليب

العبادہ ہى اول شيء ح يسألنا عليه
 ربنا ساعة مايسأل مجتنبها يعمل ايه
 لما يبقى بين يديه

ليه تقلال فى العبادہ واحنا بھا مؤمنين
 واتخذنا البدع عادہ فعلنا دا يرضى مين
 فهمونى!! يا مسلمين :

إمتى يا إسلام نخشى ربنا ونخاف وعيده
 عيب تكون أعمالنا وحشه تغضبه واحنا عبيده
 كل أرواحنا بأيده
 كل مسلم عيب عليه لما يترك فرض ربه
 العباد به بس ليه تنسى يا خالق حاسبوا
 حاسبوا أنفسكم وعاتبوا
 عيب نكون اسلام و نترك الصلا ونبقى ف ضلال
 م الضلال قربنا شرك لما شفنا أمدنا طال
 إمتى ح نسيب الضلال
 ربنا يجعل ذنوبنا م الذنوب المغفورين
 ربنا يصلح قلوبنا حتى يأتينا اليقين
 قولوا يا إخوان آمين



﴿ زفاف استاذی المحبوب حسن افندی البنا ﴾

اللیلہ الفرح الأکبر وبلوغ القلب مناه
مین یقدر منا یعبر عن فرحه وکثر هناه

قلبی من شدة فرحه .. یهنی حبیب الدین
وقلوب الاخوان شرحه واللی ینکر کده مین

ازداد الأنس حبور والغبطه الیه منسوبه
اللیلہ سرور فسرور م العمر مهش محسوبه

وحقیقی جمال ف جمال زاید ولا یتقدرشی :
لما اوصف حسن الحال مشح اخلص بل متقدرشی

الطیرع الأغصان غنی والجمع غشاه النور
وملوك حضرت م الجنة بتهنی عریس مبرور

مخلص المولی وقلبه طاهر من یم الدین .
محفوف بجلال من ربه له هیبه وعزم متین

غيور ومضحى بماله	وحياته كل ماله
خمسین ألف هنيه له	ينفعنا الرحمن بيه
يحب الرفعه لدينه	ويدل الناس ع الخير
والفضل يعود ليقينه	وثباته وحسن السير
يا حبيب الدين احبابك	سرتهم ليله أنسك
من ساعة كتب كتابك	بهنوا القلب بعرك
دى جميع الناس بتحبك	والكل بلغ مأموله
واللى خلانا نحبك	(حبك ف الله ورسوله)
وقيامك يا محبوب . .	ربطتنا بنشر الدعوى
خلى رسمك ف قلوب	أهل الايمان والتقوى
عملك لله مشكور	وعليه الناس مطالعه
وما حدش ينكر نور	الشمس اما تكون طالعه
ف صفاتك زى ملاك	واحلى من الشهد كلامك

حفظك ربك وحماك	ورفع قدرك ومقامك
أكرمك شاب وتائب	بتحب شرف وعفاف
رزقك مولاك بنسايب	من ناس أمرا وأشراف
شوف عم الحاج حسين	دا اخوك ف الله وحببيك
وكان من بخته الزين	خلاله الشرع نسيبك
أتمني وعيش ف سعادته	تامه وف عز وفير
وابلغ م الحسنى زياده	يا مربى الروح يا أمير

﴿ زفاف صديقى السيد افندى ﴾

ربنا طيعا أمرنا .	بالجواز اكنه عال
لجلى حفظ الدين بتاعنا	جل شأنه ذوالجلال
انت يا متجوز انعم	بالنعيم الى انت فيه
وانت يا لى لسه عازب	اجتهد فى السعى ليه

اسعى انك تبقى صاحب	بيت ويبقى لك عيال
ربنا طبعاً أمرنا
السرور عمال بيكثر	والهنا عمال يزيد
لما شافوا الأنس وافي	باجتماعنا ذا السعيد
كل داعلشان عريشنا	بلغه ربه الآمال
ربنا طبعاً أمرنا
عندي كله بدى أقولها	تسمحولى والا إيه
ناس كثير باسمع تسخط	ع الجواز معرفش ليه
طب دايه الدين بيكمل	اللي ييذموه رزال
ربنا طبعاً أمرنا
الجواز ذا فيه فوايد	يامه بس الوقت فين
واللى اشوفه الوقت إني	أختصرها بكامتين
ياللى نفسك فى العروسه	اجرى شوف بنت الحلال
ربنا طبعاً أمرنا

وان لقيت روحك فقير شوف جوازه قد حالك
وان نصفت ابنت قرايبك يخطبوك بنت خالك
واوعى تحمل هم رزقك حتي لو جيتم عيال
ربنا طبعاً أمرنا

اوعى يابن الأصل تطمع في عروسه تقول غنيه
عندها أقوال وتنفع ساعة الأزمه الماليه
شوف فتاة من أصل طيب أولى ما تطمع ف مال
ربنا طبعاً أمرنا

عيشة العزاب أخوك شافها ما هتش ع المزاج
هيا يا عزاب جميعا اسعوا في أمر الزواج
ابنى (مصلح) قاللى يابا يالله جوزنى (اعتدال)
ربنا طبعاً أمرنا

قلت حاصر عن قريب يا ابني تفرح بالجواز

خلفت (شخلع) ^(١) والاباز ^(٢)	قالى أوعى تجيب فى فرحى
زجل أقوله ف لاحتفال	والنقوط منك ياأبا
.	ربنا طبعاً أمرنا
الكلام الأولانى *	الغرض يلزمنى ارجع
العريس كل التهاني	من صميم القلب اهني
منظره باهى الجمال	الى فرحه حلو خالص
.	ربنا طبعاً أمرنا
بالعروسه وشوف مزاجك	ياعريس اتهمى وافرح
زيد فى أنسك وابتهاجك	ياسى (سـيد) ياوجيه
من سرورك فرحى طال	ياحبيب القلب يالى
.	ربنا طبعاً أمرنا
عنده فى أم الكتاب	ربنا يكتب سعادتك

(٦٠)

انت والأحباب جميعاً الى شرف والى غاب
أسأله يديم المحبه والصفاء والاتصال
ربنا طبعاً أمراً
فى المسرات ابقى أهني كل أحببى العزاز
فى جواز وطهور ولما ييجوا طالعين الحجاز
وابقى أنا فى الحج معهم ع البواخر والجمال
ربنا طبعاً أمراً بالجواز اكمنه عال .
لجل حفظ الدين شاعنا جل شأنه ذو الجلال

﴿ محاوره بين أعزب ومتزوج ﴾

(بمناسبة زفاف صديقى رجب افندى محمد على)

متزوج - أهنى من كل فؤادى وجوارحي كان
عريس ليلتنا الخفافى رجب المنصان
سرورى زاد لى لقيته سباب العزاب

وقال خلاص أناح أتجوز يكفاني عذاب
 شاف الجواز نعمه وراحه وسرور وهناء
 وكل واحد له زوجه مايشوفش عناء
 خطبوا له بعد العزوية ما عرفها ازاي
 كانت راحه تنشف دمه من شرب الشاي
 فضل الجواز دا كبير خالص يا الله يا شهبان
 على الجواز اسعوا واجروا واخذوا الشيطان
 عازب - بكلمه واحده من فضلك اسمح لي يا أخ
 يعني انت عاوز شهبانا يقيم في الفخ
 ازاي تقول المتجوز بيعيش مرتاح
 لازم جنابك بتقوز وتقول بمزاح
 لأن محسوبك عازب وف راحه تمام
 مايشوفها واحد متجوز ولا في الأحلام
 فايق ورايق ما ورهني شيء الطلبات

و مستريح من قولت أنا عايزه . وهات
 ولوش عيال بتقول يا ابا عاوزين جلايب
 ولا حرمه تمسك في خناقه إذا كانش يجيب
 متزوج - برزقك زوجتك وعيالك ما تنش ملازم
 المولى ما بينساش خلقه ما تشيلش هموم
 عازب .. على كل حال برضه العازب ما في حل عليه
 متزوج - وليلاتي لما ينام وحده تستاهل إيه ؟ ؟
 ينام فريد للصبحية ما معش ونيس
 وتحت دش الحنفية يلعن إبليس :
 من يوم جوازي وانا فراحه وسروري مزيد
 من كل شيء ارتاح بالي وبزوجتي سعيد
 ع - إن كنت انت اللى فراحه غيرك مختار
 تملى بيسب ويسخط ويقول دا مرار
 م - هو المسيطر على بيته والسب دا ليه

مدام محسن أخلاقه	رح يحصل إيه
ع - جاز تـكون هـى عنیده	فاسده الاخلاق
من فعلها یرمى علیها	میت ألف طلاق
م - تتعلم الاخلاق منه	لو هوہ نبیه
أما الطلاق دامہش لعیہ	رح یحلف بیہ
ع - و غیر کده أسباب مانعہ	بعض الشبان
من الجواز وانت عارفها	ودارسها کان
م - ایہ الی مانع شباننا	ما تقوللى امال
ع - مانعهم المهر العالی	ووقوف الحال
القرش أصبح له عوزه	والاصل ملوش
واحد أصیل وقیر حبه	مایجوز هوش
م - فیہ ناس کثیر لم بتدور	علی کتر المال
وعایزه ناس م المعروفه	بالاصل العال
وناس کثیر ع العزویہ	دیما ساخطین

عارفه السعاده الزوجيه بتم الدين
 ع - بتم طبعاً أنا عارف انما فيه ناس
 مزعليننى فحاجه ثانيه
 م - قوللى ما فيش بأس
 ع - يبصرفوا مصروف هائل
 وع العريس المصروف دا
 عاوزين مغنيات لازم
 تلقى الحريم والرجال
 وحاجات كتيرم اللى تفرتك
 لكل غيور على دينه
 ن - ربك يجازى اللى يعمل
 أما الجواز فرض علينا
 اسمع نصيحتى واتحوز . .
 تقوز بخلفه وزريه

ولا لهش لزوم
 هو كان ملازم
 ومغنيين :
 جوه الصواوين
 ألف مراره
 عنده حراره
 شىء مش محمود
 فرضه المعبود
 حالا علي طول

ع - دا کلام معقول

یصح یاعزاب نخطب فی بنات الیوم
دی البنت تفرح لوجوها عرسان بالکوم
وابن الحلال قلبه یدله علی بنت حلال
لوع الجواز من شبانتا یحصل اقبال

﴿ زفاف صدیقی اسماعیل افندی عز ﴾

اللیلہ دی زفاف اُخینا سی (اسماعیل عز) الوجیه
لیلہ نادیه ع الحیایب والقرایب فرحو یشه
أخ مخلص قد تزوج فرح الاخوان زواجه
کل واحد منازاد . . فرحه خالص وابتهاجه
کل اخواننا اللیلہ دی فرحوا خالص یاسمعین
وبله حل السعد بیها . . والقلوب متهنین •

اتيهج وافرح وزيد فرح واتمني بعروستك
 ربنا يديك سعيد ياقر والشمس زوجتك
 جيت أهنيك لما قلبي الهنا أصبح ماليه
 أما انا ماقدرش اعبر قد إيه الفرح فيه
 يس باوصف من سروري شيء بسيط للحاضرين
 اللى حضروا وشرفونا واحنا بيهم مسرورين
 وبحضورهم زاد هنانا واجتماعنا صار أنيس
 دا أنتوا آنتونا خالص ثم شرفتوا العريس :
 فى فؤاد محسوبكو كلمه اسمعوها وصدقوني
 مش رح اكذب لما أقولها وان كذبت ابقواضر بوني
 قصدى أقول إن الجواز سنه ديني وفرض واجب
 فيجب أن يسمي ليه كل واحد لسه عازب
 الجواز بالذمه أحسن م العزوييه العذاب

دا العازب لما يوام لمبته يتعاص هباب
 تنطفي وهو نايم ف الظلام وحده يخاف
 يانفت ويبص جنبه ما يلاقيش غير الاحاف
 لوح اكرم الكلام دا كل عازب يشمئز :
 فانا اسبيه احسن واهني مى اسماعيل افندى عز

﴿ من فوق رؤوس الجميع ﴾

بمناسبة انضمام (جمعية الحضارة الاسلامية بمصر) لجمعية
 اخوان المسلمين بشراخيت والاسماعيلية . والحمد لله وقلت مايتي
 اباعن فرع الاسماعيلية .

مولانا يالى اليك مرجعنا بعد الحياة
 لما اعتمدنا عليك : نلنا جميع الغايات
 والنصر ما بين يديك انت العزيز الحكيم

أنزلت دين الحقيقة : يارب وانت ف علاك

وهديتنا لاقوم طريقه مرضيتش لينا الهلاك

وف حفله حلوه رشيقه جمعت أهل النعيم

كان كل واحد ف وجهه انت المجمع يارب

الفرقه ديماً كريهه اكن لأمرك تحب

والحفله طبعاً وجهه بكل مخلص كريم

لنصر دين الطهاره ضحيت يارب الشعوب

لنا جماعة الحضاره ألفت بين القلوب

مش جهد منا وشطاره دا فضل منك عظيم

مكنك حب الاخوه ف قلوب على تناجيك

جعلته ثابت بقوه اكنه طاهر وفيك

خليت يارب الفتوه علينا أمبح هزيم

دين الاخاء المفدى بالمال ياناس والبنين

لجل التآخى النهاردا نادى اللى له مخلصين
 اسلامنا دين الموده أعداؤه أهل الجحيم
 للألفه يدعو رجاله بسرعه حالا قوام
 بس بكلمه تعالوا الله عليه ياسلام
 ف الدنيا مفيش مثاله بالحق هو القديم
 والله النهاردا اجتمعنا مع بعض يا اهل الايمان
 والفرح مالى اجتماعنا والبشر زايد كان
 دا كله لما أطلعنا أمر اللى فضله عميم
 من (شبراخيت) وفد قام ووفدم (المحموديه)
 حضرنا معهم قوام ^(١) الكل كتله قويه
 غاويه الجهاد التمام أبطال ولهم زعيم
 أملنا محو الفساد ونشر كل الصلاح

بذلنا كل اجتهد بدون ما نحمل سلاح
والرب ويا العباد الى ضميرهم سليم

بالطبع لما لقينا : الدين ح يبقى ضعيف
أرواحنا هانت علينا لنصر ديننا الخفيف
انشالله تطلع عينينا ويكون عذابنا أليم

لا بد نبقى أسود وقينا كل الشهامة
مدام بقينا جنود لدين عروس القيامة
عاهدنا رب الوجود والعهد طبعاً قديم

مانسيش ديننا يهان واحنا رجال ف الوجود
دى الوقت آن الآوان تترك مصيبة الجمود
ونجتمع فى الميدان قدام عدوه اللثيم

الائتلاف والمحبة قبل ماديئنا يضيع
حتى يرفرف علمنا من فوق رؤس الجميع
والبدع دا الى أماننا نمحيه بأذن الكريم

وقفنا دعيًا ياربى واجعلنا أهل الوفاء
واكفنا شر الخبي وارزقنا كل الصفاء
يا لى انت عالم بقلبى أنت الرؤف الرحيم

(الرياضة)

بمناسبة الحفلة الرياضية التي تقيمها كل عام
مدرسة الاسماعيلية الابتدائية الأميرية

الرياضة شيء كويس الرياضة شيء جميل
الرياضة عال تخفف كل جسم يكون ثقيل
صحة الابدان لذينة هى لذة الحياه
تيجي م التكمباز على والسباحه ع المياه
الحياة ماتكونش حلوه إلا بالصحه التمام
ولكده عاملين معاهد للرياضه فى الانام

عن مثل طبعاً سمعتوا دا مثل ساير عميم
قالم العقل الصحيح يسكن الجسم السليم

والنجاح للأمة يجبى من نظافة العقول
شوف بلاد الغرب فاقت عنا واحنا فى خمول

إنما بالسعى نبقي زيهم واحسن كان
دى العلوم الأصل منا والشواهد من زمان

من دواعي الفرح شفنا للرياضه قسم على
فى مدارس الوزارة شىء يفرح الاهالى

شىء يسر القلب منه شعبنا ديماً نبيل
والحكومه مشجعاها فلها الشكر الجزيل

يا حكومتنا الشكر ليكى انتى ياوزاة المعارف
انتى أسباب التقدم للوطن والكل عارف

قد حضرنا اليوم نشاهد هذه الحفلة الرشيدة

لما جينا فرحنا خالص م المشاهده بالحقيقه

شفنا أفعال التلامذه تفرح القلب الحزين

هنيؤهم ياللى جيم النهار دا مشرفين

ابنى (مصلح) لما يكبر دغرى اجيبه المدرسه دى

لجل يطلع واد مدر دح م التلامذه العينه دى

يا تلامذه شدوا حيلكم مدرستكم عال وجيبه

واضمنوا الرحكوا النجاح والفلاح مادمتوا فيها :

وختاما فليعيش الملك ويدوم صفاه

والوزاره دى اللى خلت شعبنا ح ينول مناه

قولوا فليحى محافظ : منطقة خط القنال

وليعيش مأمور بلدنا واللى شرف لاحتفال

فليعيشوا مفتش الوزاره أجمعين

يحى ناظر مدرستكم واللى فيها معلمين

﴿ حفلة توديع ﴾

لصاحب الفضيلة الأستاذ حسن احمد البنا افدى مؤسس جمعية
الاخوان المسلمين وصاحب فكرتها : عند سفره من الاسماعيليا
إلى مصر . بمناسبة الاجازة السنوية للمدارس الأميرية . فله
مودعاً ومقرراً بفضلها ما يأتى : —

يا لى أفضالك علينا	ظاهره كالبدر المنير
انت رييت الصغير	انت رييت الكبير
جيت بذلت الجهد كله	وانت ع الاسلام تغير
درت تخطب ف القهاوى	لجل إحياء الضمير
شفته ييطالع ف روحه	والايمان كان رح يطير
وعظك الغالى المؤثر	فتح القلب الضرير
خلى شبان البلد دى	خافو من سوء المصير
حاموا حولك لما شافوا	فضل بديانك ظهور

لك بنا هايلا مشيد	ف البلاد ماهوش نظير
واللى ينكر نور جهادك	كل واحد مش بصير
العا . صابه ف عيونه	أو مزربزب أو مكير
م اللى قالوا الفهر ضالمه	وف (بؤنه) الزمهرير
ينظروا بعينهم يشوفوا	جلى مولانا (القدير)
انشباب دى الوقت طاعوا	ربنا باخلاص وفير
نور الايمان قلوبهم	من كبيرهم للصغير
أخلصوا للمولى خالص	لما شافوا الحال خطير
لم يبالوا ف نصر دينهم	لو يباتم ع الحصير
واللى بث الروح دى فيهم	ينصره المولى النصير
ياللى ناكر فضل : عامل	بص شوف تصبح خبير

جت يا أستاذنا الأجازة	وانت عازم ع المسير
إيه دوا للصبر قوللى	يشترى العبد الفقير

مش ح يحلى الزاد فى بقه	لو يكون العيش فطير
يوم بعادك عام بطوله	ليه دامش بيكون قصير
لولا راحتك فى الاجازه	كنت لازم استجير :
ف المعارف والا ابعث	ميت تظلم للوزير
يا حبيب الدين يا (بذًا)	بعدكم مش شىء يسير
دا النهار إن شمه غابت	مش ح يقدر يستجير
يا حبيب القلب بعدك	يجعل الانسان يحير
خفف الهجران دا عني	وارحم الصب الاسير
الوداع ياتاج نفوسنا	ودع الاخوان وسير
فى حمى الرحمن وحفظه	بس إوعى تغيب كثير



(حفلة تكريم)

مناسبة طلوع الشيخ حامد عسكريه الواعظ الديني إلى (الحجاز)

عم الشيخ حامد أستاذنا الفاضل

ح يسافر بكره الصبحيه

وازاى الواحد يصبر ياسي كامل

داح يوحش أهل اسماعيلية

امبارح جاني قاللى على غفله :

أنا بكره مسافر لحجاز

عرفت اخواني قالوا نعمل حفله

ونودع فيها الاستاذ

أستاذنا ياللى الصبح مسافر

على مكة بلاد الاسلام

(٧٨)

ادعيلنا تملى واهو ربك قادر

يوعدنا بالحج قوام

ونزور نبينا الهادى (محمد)

وتمس ايدينا الشباك

يا (مكة) نادينا وياشيخنا الأجد

ماتخذنا على مكة معاك

﴿ حفلة تكريم ﴾

(بمناسبة نقل الشيخ حامد عسكريه الواعظ

الدينى من الاسماعيليه إلى شبرخيت)

ليه يا عم الحاج حامد بس تعزم ع الرحيل

والله رح يألنا بعدك يا واعظنا يا جليل :

دا احنا لما ماشوفكشى يوم بمقدار عام طويل

دائماً عايزين نشاهد رؤيتك ويستحيل :

إننا ع البعد تقدر ساء والاخلاص دليل

اللى ح يصبر قلوبنا : إيه ياعم الحج : فيد :
 طبعاً إنك رح تقول : واعظ البلد الجديد
 هوه دا برضك عشمنا والعشم طبعاً أكيد
 مرحبا بالشيخ (محمد) الترحب به مزيد :
 وعظكم به رح يكون البلد ديماً سعيد :

﴿ حفلة تكريم ﴾

أقامت جمعيتنا (جمعية الاخوان المسلمين بالاسماعيلية) حفلة
 تكريمية لصاحب العزة (على بك الكيلاني) المفتش بوزارة
 المعارف حينما زارها فقلت

نور السعادة هل لنا وقد بدا الليلة ف دارنا
 لمنتهى السعد وصلنا لما سعادة البية زارنا

وحضرة الناظر وياه ومعلمين لا ابتدائية^(١)

عشان حضور صاحب العزه (على يده الكيلاني) بلدتنا
قد استنارت من نوره الى ملا جمعيتنا
جمعية الاخوان ف الله طوبى لها والتهنيه

دا فضله ع التعليم سامي تقع المدارس بعلمه
ما قدرش اعبر بكلامي مقدار فضائل معلومه
إخلاصه للاسلام وصفاه خلو عقيدتنا قويه

نور الايمان بالله ظاهر على وجه زير مستبشر
وجهه المنير قلبه الطاهر جعلونا بالخير نستبشر
الله يبارك له ف تقواه ويزيده هيبه وحميه

البية محافظ على دينه مؤدى فرض الله باخلاص
مخلص ف عمله و يقينه مش ركعتين لله وخلاص
نهنته بطاعة مولاه كل التهاني القليله

(رواية : الثلاثة أشخاص)

« عبد الرحمن • فهمي • اسماعيل »

ع - لى صاحب اسمه فهمي بس غايب مش بشوفه
 انما واد سكرى خالص والسكرابين من كيوفه
 والحشيش خارب دماغه والقباز واخذ فلوسه
 كل يوم يتقضى وقته ف الملاهى الله يحوسه
 بدى اقباله اديه نصيحه تبعده عن دى الهموم
 الى ح تلف حياته : تقتله زى السموم
 ف - فانش واحد م الشارع دا كان معايه من زمان
 كان يصوم رمضان تلى واد مصلى ملوش امان
 قال يصلى الفجر حاضر خدلى بالاك م الفساد
 قلت له يوم يا الله نسكر قال لى روح العب يا واد

الغرض مارضتش اكرتر سینه راح و دخلت بار
بار (طناشی) فضلت اشرب بیره وامز (بشار)

﴿ المقابله ﴾

ع - مرحباً أهلاً وسهلاً یاسی فهمی كنت فین
كنت فین بالذمه غایب عن صدیقك جمعین
ف - انت فاكر يوم ماسیتك رحمت داخل بار (طناشی)
كان ضمیری انی آخذ شب بیره وتنی ماشی
اتوزنت وجی خارج الصحاب ندم علیه
الی ع الباب رجعونی واللی قاعدین مسکوا فیه

﴿ سکوت ﴾

ع - طب وبعد ما مسکوا فیک مش تکل لی الحکایه
ف - اصلی مکسوف احکیمهالک ربما تزعل ما یه
ع - مش روح ازعل بس احکی بدی اعرف ایه جوالک
ف - صلی اول ع الرسول ثم خد ویا یه بالک

﴿ باقى الحكايه ﴾

بعد ماسكرنا جماعه قلنا يا الله نروح نحشش
 السكاره فرحو خالص قصدم طبعاً نفرفش
 واحنا قاعدين فى الخانه جم ثلاثه مخبرين
 عم رضوان وابو علوه واجهل الثالث دا مين
 راحوا ماسكين دغرى فينا قالوا يا الله ع البوايس
 كلبشونا وربطونا زى كل الحاييس
 لما رحنا القسم جالك عم (محروس) بالعصايه
 تنه يضرب قلت عبده فبن ياريتيه كان معايه
 ع - ليه ياخويه بتفتكرنى لما كان الضرب فيك
 تستمنى لى الاذيه روح يا شيخ الله يجازيك
 ويتركه فيقول له

ف - طب تعالى لما اكل الحكايه وابقى شوف
 الى جاز على منها ف المحافظه يا ابو عوف

ع - قول قوام الفجر قرب بدى أصلى ركعتين
ف - ما انتهيت وبالاختصار اتحبست جمعتين *

جمعه منهم شيل جرادل من شخاخ المساجين
تانى جمعه خلوا عقلى زى عقل المجانين

ع - لما شفت إن عقلك رح يودع مش تنوب
توب لربك دى المعاصى منها تكثر والذنوب

ف - مشيراً إلى وجهه

الخمر حلوه ولذينه شوف تخلى الوش أحمر
دانت لما تدوقها مره كل ساعه تحب تسكر

ع - أسكرايه مادمت أعرف شرحها سقم وأذيه

ف - آمال ايه بس الحمار دا ع دى علامه جهنميه

اسماعيل - يا جماعه ايه جراكم الزعيق مع بعض ليه

ليكو ساعتين فى مشاجره فهمونى سببها ايه

- روح تقول لك ع الحكايه
 ا - واحد واحد كلوني
 وانت قول بالحق واحكم
 ع - العبارة ان الجذع دا
 لاندوش معرفش احكم
 قصده يدح ف الخور
 شربها يحجب شرور
 ف - سيدك منه ومن كلامه
 شوف كلام السكرانين
 كنه حلوه اسمعها مني
 (يا الله نسكرا يسمعين)
 ا - نسكرايه الله يسمك
 انت ناسي الأسبوعين
 دغري تحلف ايمانين
 دانف لو تعرف ضررها
 ان ما تشربها عمرك
 ولا تعرف حشاشين
 ولا تصرف فيها قرشك
- ف - الكلام داف شرع مين
 الحنيس والخمر طيب
 ح اجتنبهم والقمار ؟ ؟
 ا - شئ يخسر ثم يحلب
 لافلوس الانذار
 ع - معهما تكسب فيه ح تخسر
 مكسبك راحياة أبوك

انت تخسر زى غيرك والمكاسب للبنوك
 ف - طب وايه قواكم كان ف الكوكاين اللعين
 الى بدشمه دقيق لجل ما نذفه عجيين
 ا - مناخيرك ناقصه حته

ع - طب وفين النخاشيش
 ا - نخشوشينه دول وكلام
 ع - اه يا نارى ايكنت منى منه لامشى مستقيم
 ف - طب خلاص ح اسمع كلامكم ثبت لله العظيم .

﴿ منالوج الختام للثلاثة . ممّا ﴾

شوف الخور يابن الأوطان ازاي بتعمل ف الشبان :
 والا الحشيش اللي مخلى تلتين وطننا صبح تلفان
 وادى القمار ضيع مالنا والكوكاين بدشمه كان

تلقى الجدع ف السن صغار	والشم هالك له الأبدان
يسرق ويقتل على شمه	ويقضى طول عمره فأسجان
من الزقازيق لا بو زعبل	ويشوف عذاب أشكال والوان
يا بن الوطن عندي نصيحه	يا لى تحب تعيش منصان
طبع الآله واحفظ نفسك	تعيش سعيد ما تشوفش هوان
وخلي سيرك ودليلك	من الأحاديث (والقرآن)
وابقى افكر دية الموت	والعمل فيه حساب وميزان
يوم الحساب يبقى الفاسد	له ف الجحيم الذين فدان
والاي يكون عمله كويس	له الجزاء جنة رضوان

﴿ لابن الصياد ﴾

الى حضرة الأديب الفاضل محمد افندى نجفى

الشهير (ابن الصياد) فى شربين ﴿

المسلمين صرفوا الهمة فى كل فساد

وليـه مصهين بالذمه يا بن الصياد

ياسى نجاتى ما تستعجب على دى الاحوال

وشوف حالتنا اللى تشيب شعر الاطفال

شوف العجوز اللى يسكر والجيب كحيان

ويتمشى ف السكه بمجر زى الخرفان

والناس تقول شوف الشايب ازاى سكران

وهو ينسر الحايب اكنه جبان

ينخش جوه الجاره : يصرف ففلوس

وجاعته ف البيت محتاره مش لاقيه غموس

والادهى من دا اما تشوفه طالع م البار

عميان وزى المتلبش : من شرب النار

وعيال تقول سكران طينه خلفه بهليل

ويشوف عدوك م العسكر كل تهديل

يوصلوه القسم وعضمه زى الفتافيت

من البوانى اللى أكلها ويا السلايت

يرحبوا به السجنانه . اتفضل خش

وان كان من الضرب مافاشى ياخدوه ع الدش

والتش لو يفاط غلطه يدوه شهرين

ماينفموش صاحبه (منولى). ولا صاحبه (حسين)

وشوف كان اللى بيقتل علشان يسرق

حاجه بسيطه ويتهدل مش شىء يفلق

والا اللى غراه الدنيا تلقاه مغرور

يرمى أخوه شقيقه ف داهيه بشهادته الزور

زمتنا صبحت تتغير على نص ريال

وضلالنا زاد مش نستعبر

ح نوت ف ضلال

أرجوك تبستف يا بجاتي ف الخلق الدون
وانا اساعدك بجاتي وأكون ممنون

❧ حكاية ❧

اسمع حكاية عن واحد فقير دخل عند الأكل
وقال له أكلني أما اشبع أكله لذينه بقدريال

فرح قوى صاحب المطعم : بالمبالغ اللي رح ياخده
من دى الزبون قام حفز له خضار عليه لحمه (دنده)

ولما جاب الأعيش ملقاش شيء مالى كان متقدم له
قام رح وجاب له غموس تانى ما وجدش عيش وإقاه وكاه

بيحي ثلاث أربع مرات والشخص دامايشبعشى
زعل نوى الطباخ دا وقال لامي رح يفضل يحشى

عازقه له أكلت كتر مكسوف قوى أكنه مقاوله

قام الغرض حمد قلبه ومال عليه بكلمه وقال له

تحب تشرب قال أبداً ما شربش الا فنص الأكل

لطم على خدوده الطباخ اكنه شافه بهذا الشكل

خد الريال منه وقال له هوانت (غول) لسه ما كلتش

لا بد تدفع شيء تاني طلع جيوبه وقال فتش

ما وجدش وياه تقديه صعب على الطباخ حاله

عطاه ريالاه اللى أكل به عشان يوكل به عياله

وقال ياعم ادى ريالك : واياك تعتب هنا تاني

لو كان زبائني دول زيك ما كنتش افتح دكاني

﴿ أشواقى الجمه ﴾

الحبيبي المسافر

البعده طول قوى خالص وبقيت ف الأم

(٩٢)

ويوم بعادك بشعر به ييمر بهام
ونفسى اشوفك يا حبيبى واحظى برؤياك
وتعود لىالى الفرح اللى قضيتها معاك

لابن خالتى العزيز

اشتقت لك يا بن الخاله والبعد سبغنى ف حاله
ونفسى اشوفك يا بن يوسف اسمح بقى يوم وتعالى

(تهنئة العيد)

لحبيبى المسافر

اهنئك يا حبيب قاي بحلول العيد
يعود عليك وانت بصحة وبفرح مزيد
العيد دا حلو بوجودك بس انت بعيد
الله يردك لحبيبك مسرور وسعيد

تهنئة حلول رمضان

الى الأديب الفاضل محمد افندى حسنين بمكتب بريد السويس

أخى وحبيب قلبي المنصان محمد افندى حسنين

اهنئك بحلول رمضان كل، التهاني يا نور العين

فرد على قائلا

كان حقى اكون قبلك اهنى من كل قلبي وجوارحى

لكن أدابك سحرتي فكان لها أكبر فرحى

فأشكره

نظمت ما يأتى لطالب صغير من طلبة «معهد حرّاء الاسلامي»

بالاسماعيلية ليلقيه فى الحفلة التي أقامتها جمعية الاخوان المسلمين لمناسبة

المولد النبوى الشريف

نور الحبيب المصطفى لما اشتهر :

الشرك بالله اختفى والدين ظهر

الأرض فرحت والسما يوم ما اتولد

والدنيا دى منها العما رح وابعد
 من بعد ما كانوا العجم ويا العرب
 كفار وعباد للصنم أهل الغضب
 آمنم بدين المرحمه واتمسكم
 به نالوا كل المكرمه ده مجدكم
 الدين بتاعنا دين قوى عن كل دين
 ع السعد والخير يحتوى بامسولين
 ماتهنوش ف الدين بقي يكفى الرقاد
 وفقنا ديمساً للتقى رب العباد

اعلان

لمحل الحاقى العظيم « قنصل » بالزقازيق

إن كنت عاوز تظفر قول وف الما تتعشى كبابه
 محل (قنصل) مش مقبول مفتوح وفيه أكل الأحياب

كفت. كباب. فول بالزبدہ وعيش ماتستغناش عنه.
 لو كنت صابع م الكفته تاكل صوابك ورامنه
 طعمنا جداً تقينه بكل مافي امكاننا
 كل الزباين عرفينه يابخت من زار دكاننا
 (الوز) ف ساعة الصبحه الله عليه لما تدوقه
 لتد زى العجميه والزبدہ سايجه من فوقه
 بالنسبه للحاله الخاضره عملنا تخفيض ف الايمان
 رطل الكباب لجل الفقرا بسته صاغ والكفته كان
 خمس صواب مش صباين بقرش صاغ واحد يابلاش
 ومن يشوف الرخا بالعين ومن كباينا مايتعشاش
 محلنا لجل الموعود نضيف وللناس بينادي
 الله يديم الرخا والجود ويحل عنا الازمه دى.

﴿ اعلان ﴾ لـحل ابراهيم السيد المحلاوى جزئى بالاسماعيل

ياالى عاوز جزمه آخر	موده شرف عند اخوك
مش تروح ف محل تانى	عند ناس يستلبخوك
عندنا أحسن قوالب	والجلود أصناف كثير
يعجبك تفصيلنا مها	كان مقاس رجلك كبير
والشروط ساعة ما تاخذ	المقاس تدفع ريال
زى عربون يالى عاوز	مننا جوز جزمه عال
تهز دى الفرصه ياالله	ياالى وياك الفلوس
ادخل الدكان قايس	الا يوم العيد تحوس
بدنا نسط جنابك	بدنا نهديك يجوز
شغل جيد يستحيل	بعد عام يحتاج للوز
عندنا ذمه ف عملنا	عندنا اخلاص عظيم
بدنا نخم وطننا	جربوا شغل ابراهيم

﴿ تم الجزء الأول ﴾

